

124.

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA,*

QUOD LIBETARIIS DISPUTATIONIBUS

manè discutienda in Scholis Medicorum, die Jovis decimâ-nonâ
mensis Martii, anno Domini M. DCC. LXXVIII.

M. CAROLO-LUDOVICO VARNIER, Doctore Medico Præsîde.

An prægnanti, superveniente uteri Hamorrhagiâ, partus manu promovendus ?

I.



OMINIBUS insitum est à naturâ, ut retinendâ vitæ, sic etiam, quæ altera quasi vita est, suscipiendâ prolis desiderium. Non inani ludere credit imagine cui dulces sunt filii, mores & imaginem paternam referentes. Cautum est igitur à summo Creatore. ut certo ætatis tempore, ubi accretionem legitimam acquisierint partes, tonum fibrarum, energiam fluida, færente longo testium tractu, miro complicatâ ordine tenuissimorum vasculorum congerie, spermaticis arteriis officiosè famulantibus, humor prolificus elaboraretur, & ulterius per vasa deferencia vesiculis feminalibus crederetur. Cautum est ut, roboratis ad emissionem partibus, magnâ vi contractis, in actum erumpentibus, spiritibus turgescens semen in arva naturæ spirantia projectum, hominis primordia excitaret, evocaret ad vitam, propelleret ad motum. Ergo semen humor esset mole parvus, substantiæ nostræ pars melior, sarcina non inutilis, secretionum ultima & perfectissima, in quo nidulatur vita quam mox daturus est, cujus in sanguinem resurgentis beneficio firmantur partes, quem non sine sanitatis, imò vitæ ipsius dispendio elargitur prodigus amans & amens, semen primâ ætate humore plurimo diffusens, idèoque immaturum, in juventute acris erumpens, addicitur generationi, inchoatque conceptionem. Quomodo autem id fiat enodare arduum. Numquid enim in semine vis delitescit sui formatrix, sibi domum architectans? Absurdum rem! Numquid conceptus est actio seminum utriusque parentis mixtorum in disponendam prolis generanda materiam? Fœminis deficere semen demonstratur. Numquid deciduæ ab universo corpore quæ modò confusa latebant seminis particule ita motu adventitio expediuntur, ut singulæ migrent ad effingendas partes iis planè consimiles à quibus effluerunt; quæ à capite prodire conveniant ad coagmentandum caput, quæ à pectore ad pectus, quæ à renibus ad renes, &c! Hæc obsolescere ex quo organi cuiusque mechanismus, partis cuiuscumque functio propria innoverunt. Adhuc forsitan submerita puteo veritas latet. Quid enim sentiendum est de Neotericorum systematibus? Si quibusdam fides adhibeatur, aura seminalis in utero avidè hiantem appulsa per tubam ad ovarium fertur, ova veterino sepulta excitat, fecundat, ova sæcundata per tubam in uterum deferuntur. At quo pacto tunica tubarum valida, dura penetrabitur? Quo pacto ova per tubam non mediocriter distantem ab utero viam relegere enitentur? Secundum quosdam nec inferioris notæ; seminalis aura calcaribus admotis sanguinea subit vasa, cruorem femininum invertit, succorum mutatur indoles, ovum tumescit, inflatur, libertatis impatiens carcerem (ovarium dico) relinquit, per tubam motu & calore dehiscentem labitur in uterum, huic alligatur, alimoniam suscipiendæ gratiâ, nec indè excernitur nisi solutâ adhæsione. At nonne longum iter simplicitatis amans natura recusat? Tor & tantis difficultatibus perterriti quidam nova, inaudita, ingenuosa forsitan fixe-runt commenta, splendido errore ludentibus microscopiis in masculino semine visi sunt vermes mira-

* Authore Joanne-Baptistâ-Ludovico CHOMEL, anno 1742.

biliter ita pullulantes ut gutta seminis decies centena millia & amplius animalculorum contineat quæ, toti Europæ incolentæ sufficerent. Ex tot millibus virâ plenis unum quandoque, rarò duo aut tria, cæteris inuulitit à naturâ creatis, benignè ab ovario excipiuntur. Vermiculi cauda umbilicalem informat funem quâ succi appellant: vermiculi pellis liquore uberiori expansa *amnios*, cicatriculâ insignis ovi membrana *chorion* erit. Si tunc vermiculus probe omnem ovi substantiam impleat, mascula proles erit; si non omnino repletur ovum, naturæ suæ adhuc particeps matris retinebit imaginem & sexum. Ergo sit ex verque homo, sit metamorphosis in homine, ut in insectis: quis referens non horresceret? Quidquid sit, quocumque modo id fiat quod nos angit & later, ex congressu maris & femine naturæ votis respondenti, concipitur fetus memento facili difficiles parentibus ærumnas procreaturus

I I.

CONCEPIT mulier! sinu gestat fovetque fetum! quemadmodum enim semen terræ gremio exceptum humoris ope cælestis intumescens, calore solis iuncto agente & movente fuscitatum fibrillas emittit, radices dispergit, culmos caules assurgens producit, folia tandem, flores, fructus arque semina ubertim effundit; sic ovum uteri sinu susceptum, spiritu masculino prius perfusum, calore materno forum, nervulos, arteriolas, venulas expandit, spiritu masculino prius perfusum, calore materno forum, nervulos, arteriolas, venulas expandit, pelliculas, membranas perundit, obvios uteri porulos peritæat, movetur, movet, animatus est, inutilia pellit, vitales succos avidè haurit, hos subigit, recoquit, puncto saliente se prodit. Ne verò pereat delicatula hæc gravidæ humani radicula, sapientissimi creatoris benevolentia tuniculas teaves modò, modò validas extruxit membranas ut embryo, in dies magis ac magis alescentis, incrementis falcianetur rudimenta: nec enim amplius ovum, nec embryo, jam fetus est plenius exposcens pabulum. Alimoniam ergò dat abundè (fusiùs quandoque) placenta. Hæc membrana innumebris fetu & foetæ vasis informata & irrigua, utero spongiosi pulpamenti ope mollior adhærescens, sustinet universam molem fœtus cum suis membranis & aquis quibus innat. Num verò sanguinis materni parte puriori fruitur ut cedat in nutrimentum? Num sui juris gloriosus infans lacteo-chylosam à matre suscipiens materiam, hanc elaborat, sibi que propriam facit? Num oris ope liquorem *amni* fugit infans, vel solius umbilicalis funiculi beneficio vitâ fruitur? Utinam verum demonstraretur. Quidquid sit, plus metuendum, plus arcendum expectâliculæ ex turgescenti matris sanguine, quàm exposcenda luxurians ubertas. Nulla etenim inter abortionis causas præsentior, nulla frequentior periculiosior quàm plethora. Dubitas? Prægnantis starum attentius considera. Fœtus vel gratiâ vel præsentia consuetæ hæcenus purgationes irretiuntur, turbantur, vel cessant, indurantur lactescuntque inamixte, micant reptantes venæ, livefcit areola, quomodò vix pyrum magnitudinæ suâ superabat uterus expanditur; extenduntur vasa ejusdem; major fit humorum appulsus, comprimuntur viscera vicina, horum retardantur functiones, abdomen ad rupturam fœrmè inflatur; novus hospes motu, calcitrantione, pondere ligamenta tendit, aortam descendentem vasque sanguinea gravat, matris turbat animum: pallor vultus, oculorum albicantium cavitas, palpebrarum gravitas, inguinum tumor, nausea, pica, utinæ albicantes, stillantes, pulsus vehementia, corporis torpor, ad somnuna proclivitas, lumborum gravitas, vomitus assiduus, pyralismus creber, tenebrosâ vertigo, dolor capitis, odontalgia pettinax, miseræ malè vicissim torquent prægnantes. At ex plethorâ ubertis exundante graviora manent. Fœtalem sortem subit sæpiùs heu! immaturus infans quem sinu gestat plethora mater. Prægnans abortit, & quæ vitam erat clargitura parat ultro necem non sine magno propterea vitæ discrimine.

I I I.

CUM omnis naturæ cura eò spectare debeat ut fetus non priùs in lucem edatur quàm exactis novem gestationis mensibus, suam fuerit consecutus maturitatem, sic abortus pronuntiandus est, ubi fœtus immaturus ante diem exclusioni præscriptam exitus quâcumque de causâ concitatur & commovetur. Quidquid autem uteri spasmodum valebit irritare, quidquid illius fibras vellicabit, quidquid placentalam succutiet, quidquid musculos abdominis suscitabit, nervorum *erethismus* excitabit, quidquid humorum accendet *orgasmodum* veluti mochiolum, emeticum, saltatio, ictus, lapsus, diæta vinosa, aromatica, ignes fluidi, febris violenta, &c., illud omne mori abortum promovere valebit. Uterus pars nervæ, musculosa, sensu donata exquisitissimo, cum omnibus fœrmè abdominis partibus nervorum interventu coherens & consentiens, facillimè irritatur & afficitur. Abortum promovent morbi quamplurimi, tussis feræ, dysenteria, intestinorum tormina, renum calculus, scorbutus, variolæ confluentes, omnes peracuti morbi. Sic prægnanti in victu sobrietas, in motu & quiete cæta ratio; cursus, saltus, choreas devet; equitatione vel venatione non delectetur; alvus nec nimium sit stricta, nec laxa nimium; parvus immaturus caveas ne provocent vehementes animi affectus; non spem utri avertant terror, ira intensa, nec medullis actiùs insidens amarotius furor disjiciat homuncionis radiculam. Quot

ergo undique circumstant pericula! Nondum satis est: periculosiorem jam inuimus abortionis causam, plethoram vocant. Hæc ex nimia præsertim rubræ partis sanguinis mole ducens originem uteri vasa distendit, placentam ingurgitat, fetum penè suffocat, succoque nutriente defraudat infentem. Stigitur plethorica prægnantes, natura suadente vi primis gestationis mensibus placidam mensum non habent excretionem, si venæ sectione sat frequenti non subleventur, metuendum ne uteri vasis sanguine turgidulis placenta nimio pressa pondere satiscat, concitetur tandem immediacibilis hæmorrhagia. Tunc sanguis non guttatim, non albidus, non serosus, sed floridus, continuè que erumpit. Comitatur hæc sanguinis excretionem dolores lumborum & coxendicis; hypogastrica dolet regio & ad umbilicum serpit pungens hic dolor, nauseabunda mulier pondus sentit novum, mammae detumescunt, livida facies, pulsus creber, durus, modò febriculosus, elanguentis & tremuli ferè agitationes uteri hæmorrhagiam comitantur, quâ datâ portâ intruente cruore arteriæ hiant magis ac magis, plorant sanguinem. Si tunc sanguis in grumos concretus conglobatim exir, cordis palpitatio, lipothymia viribus effertis sanguinis lapsum sequuntur. Numquid ad volatilia, alexiteria, astringentia sit confugiendum? Falsâ spe delusus se tui & matris morâ extialiti nocebis; partum potius iuves illic, matris ferulque viam opportuna operatione servaturus.

I V.

PRÆGNANTES plethorâ facillimè turgescunt quocumque gestationis tempore, sive ante, sive post septimum mensem, hæmorrhagiâ corripiantur; præsertim ubi casus, collisio, nimia membrorum extensio, vehementes animi affectus præcellerint. Hæmorrhagia, sive sanguinis immodicum & continuum profluvium avulsas facit secundinas. Si perseverat, animi deliquio corripitur prægnans, spasmo & convulsionibus torquetur, præceps subit mors. Non igitur cunctandum. Ergo ubi satis de hæmorrhagiâ constiterit, tum quod sanguis conglobatim & continuè stillat, tum quod secundinæ ori uteri adjacent, ad operationem citò devenias; nec teras tempus in præscribendis cardiacis potionibus, astrigentibusve remediis actionem valorum spasmodicam excitantibus, non sedantibus. In spectatio periculum est ne grvida sub manibus expiret. Fetüs ergo accelleret exclusio. Adhibitis quæ requiruntur cautionibus, collocatâ convenienter agrâ, superiore & inferiore corporis parti æqualiter in lecto recumbentibus, (quod in partu naturali aliter se habet) obstetrix digitis butyro recenti vel oleo inunctis, os uteri tangat, sensimque dilatat, ita ut digitorum omnium apices possit intrudere. Omnia tunc cum iudicio, arte & industria peragenda sunt, pro re præsentî, pro fetûs ætate; ore uteri ampliato, membrana digitis laceranda est, in ruptam membranam, favente aquarum lubrico humine, immittenda manus, infantis pedes suo loco quaerendi, seposito quovis alio membro ipsomet capite. Nec matris viribus confidas. Pedibus infantis repertis, hos, si fieri potest, conjungas, trahas, versasque infantem, ita ut ventre digitis pedum & facie pronis, infans vergat ad intestinum rectum, hincque omnino extrahatur. Quo facto statim & secundinæ educuntur, viam monstrante funiculo umbilicali. Uterus sedulo repurgetur ab omnibus sanguinis grumis & membranis, si tamen sinant agræ vires; secus lochia succedentibusque omnis committenda. Inter operandum jubente periculo sacra baptismatis undâ ablendus est, & regenerandus. Sublato & deligato quamprimum fetu, resciso umbilicali funiculo, exclusis opportune secundinis, matri providendum. In partu naturali puerpera nîsibus suis operationem non sine dolore sollicitantibus rem aggreditur, incohat, perficit, sive acrem per manum clausam cohabeat, sive diaphragmatis musculos complanet, abdomenque ad inferiora comprimat: at in violento partu arte famulante & obstetricante indiget puerpera. Quantâ igitur prudentiâ, doctrinâ, mansuetudine, experientiâ indigeat obstetrix, quis ibi inficias? Absolutâ parâ operatione, puerperâ in lectum calidum delatâ, omni sublato refrigerio, in medio quasi tepore blando, altâ quiete contineatur ægra sine ullo corporis motu. Dieta præscribitur secundum indicationes; si febris ardet, tenuis sit victus; si fecis, lantior concedatur. ut evacuationibus sufficiant vires. Enemata emollientia quæque die præscribantur, ne humorum diversî generis falsedine irriterent viscera. Lactæ generato, & ad mammae uberim appulso, præcedente motu horripilatorio, & febrilem rigorem mentiente, lac appareat spissius, arcolam conspueans, colore flavescens, naturalem infantuli purgamentum, mox albedine, dulcedine, consistentiâ donandum. Si tamen perversus lac non conservandi animus puerperam corripuerit, infansque per nutrices mercenarias sit educandus, lactis ad evacuationem & turbas attendendum. Quo quicquid in casu in præscribendis saphæne sectionibus prudens festina lentè, remque potiùs dubiam naturæ solerter medicani committas, quàm remediis temerè utendo, infamiam incurras.

V.

QUIS, inquires, partum non suadebit promovere, ubi nullâ spes affulget futurum ut, hæmorrhagiâ superveniente, salvâ matre, salvus esse possit fetus? At non operationem tantum suademus &

præscribimus, hanc festinare necessarium, hanc tardare noxium asserimus. Inter pericula quæ prægnantes circumstant, haud sævius ullum novimus, quàm quod ex hæmorrhagiâ venit. Tunc venæ sectioni confidentius morbi curatione commissâ, eluditur sanatio, & ad operationem deveniunt, ubi de forte matris & infantis penè conclamatum est. Quid tunc auxilii sperabunt ex arte mater, infansque? Languent matris vires, marcescit fetus, & quemadmodum flos tenellis ex arbore filo tenui adhuc pendens & vegetans modò decidit levi quâcumque de causâ ruptus, sic infans quem trahit uteri hæmorrhagiâ, aquarum, sanguinis, humorum pondere suffocatus modò peribit, ni ad lucem, ad vitam evoces. Ergò infans cara spes parentum, cujus nati, nascentis vel nascituri disturbare animam eripere est, infans quem immaturâ exclusione promovere aulquam licitum fuit, nequidem utile, perit. Ergò dum sunt utriusque vires, juber utriusque præsens status ad operationem accingi, neutrum juvenes, si alteri subveniri non potest, quin lædatur alter: fallor. Nusquam terrarum evenit, ut expediat matrem vel infantem enecare. Vel enim vitâ orbat uterque infans, vel non. Mortuo fetu sæpè res omnis nature committenda: proprio Marte hospitem, nece suâ factum hostem propellit foras. Vitâ si fruatur infans, forsâque exire non possit, tum propter imperviam ossium innominatorum diductionem, tum propter varia impedimenta, ne dicas tunc cæsareum partum in certâ desperatione dubiam spem esse. Quoties salvâ matre salvo fetu tentatus est! Quemcumque ergò in statum devenierint mater infansque, habent quod sperent ex arte. Sed quid in præsentî casu, nempe in hæmorrhagiâ uteri ab operatione reformidabunt? Ex arteriis funditur in hæmorrhagiâ sanguis, arteriarum ora nesciunt coalescere, quandiu præsentè fetu uterus extenditur; nec constringi, nec pristinum recuperare tonum poterunt, nec cessabit hæmorrhagiâ: frustra ad venæ sectionem, tanquam ad sacram confugies anchoram, fluidorum imminutâ mole vegetior arteriarum erit elater, accrescet hæmorrhagiâ: inutiliùs etiam astringentibus confides, nescit fibrarum tonus comprimi, suspiratur. Quòcumque ergò te vertas, citò deveniendum est ad operationem.

Ergò prægnanti, superveniente uteri hæmorrhagiâ, partus manu promovendus.

DOMINI DOCTORES DISPUTATURI.

- | | | |
|--|---|---|
| <i>M. Joannes-Régnaud SIGAULT.</i> | <i>M. Joannes-Armandus ROUS-SIN DE MONTAUBOURG.</i> | <i>M. Josephus-Maria-Franciscus LASSONE, Regis ab omnibus Consiliis; Archiatrorum comes designatus; Serenissima Regine Medicus Primarius; è Regia Scientiarum Academia, Regiæ Societatis Medicæ Parisiensis pro Epidemiis instituta Inspector & Director perpetuus; Universitatis Medicinæ Mompeliensis Doctor aggregatus & honorarius, Regius Librorum Censor.</i> |
| <i>M. Henricus-Alexander TESSIER, Clericus, è Regiâ Societate Medicâ Parisiensi pro Epidemiis institutâ.</i> | <i>M. Natalis-Nicolaus MALLET.</i> | <i>M. Julianus BUSSON, Nosocomiorum Regiorum in Britannia Inspector, & Serenissima Comitissæ Atrebatum Medicus Primarius.</i> |
| <i>M. Augustinus THOURET, è Regiâ Societate Medicâ Parisiensi pro Epidemiis institutâ.</i> | <i>M. Franciscus-Ludovicus THOMAS D'ONGLÉE.</i> | <i>M. PETRUS BERCHER, Antiquus Facultatis Decanus, Regiæ Hispaniarum Infantis, dum viveret, necnon Regiæ exercitiis ad Infimum Rhenum in ultimo bello Medicus primarius.</i> |

Proponebat Parisiis, JOANNES-BAPTISTA-JOSEPHUS THÉRY, Atrebatensis, Saluberrimæ Facultatis Medicinæ Parisiensis Baccalaureus A. R. S. H. 1778. A SEXTA AD MERIDIEM.